

PREGO DE CLÁUSULAS ADMINISTRATIVAS PARTICULARES QUE REXERÁ A CONTRATACIÓN DO SUBMINISTRO DE MATERIAL PARA O SERVIZO DE MEDIO AMBIENTE (COMPOSTAXE, PANEIS INFORMATIVOS E VÍDEO VIXILANCIA)”, MEDIANTE PROCEDIMENTO ABERTO SIMPLIFICADO SUMARIO, CON DIVISIÓN EN LOTES.

CADRO DE CARACTERÍSTICAS DO CONTRATO

A. PODER ADXUDICADOR:	Administración.
Contratante:	Ilmo. Concello de Cambados.
Órgano de contratación:	Alcaldía.
Servizo xestor:	Secretaría do Concello de Cambados.
Perfil do Contratante do Concello:	Na páxina www.cambados.gal localizar <i>Perfil do Contratante</i> , que está enlazado á Plataforma de Contratos de Galicia www.contratosdegalicia.gal/ onde obterán toda a documentación relativa á presente licitación.
Plataforma de Contratos de Galicia:	www.contratosdegalicia.gal/ deberán seleccionar <i>órgano de contratación</i> e no <i>desplegable</i> localizar Concello de Cambados, onde obterán a documentación relativa á presente licitación.
Enderezo órgano contratación:	Praza do Concello, 1 (36630 CAMBADOS).
Teléfono – Fax:	986520943 - 986524866
Correo electrónico:	secretaria@cambados.es
Sede electrónica:	cambados.sedelectronica.gal
B. PROCEDIMENTO ADXUDICACIÓN:	
Número expediente Concello:	1650/2021
Número expediente Deputación:	2019013701
Tipo de contrato:	Subministro.
Procedemento de adxudicación:	Aberto simplificado sumario con división en lotes (Art. 159.6 LCSP)
Tramitación:	Ordinaria.
Forma presentación de ofertas:	Electrónica. Empregarase o Sistema de Licitación (SILEX) da Consellería de Facenda da Xunta de Galicia. https://silex.conselleriadefacenda.es/SLE_Internet/
Acceso ao programa SILEX de licitación electrónica:	A información de acceso ao programa atópase recollida na Cláusula 14.2.
Documentación a presentar:	A indicada na Cláusula 14.2.
Prazo de presentación de ofertas no Sistema de Licitación Electrónica da Xunta (SILEX):	O prazo de presentación de ofertas no SILEX será de 10 días hábiles , a contar dende o seguinte ao da inserción do anuncio de licitación na Plataforma de Contratos de Galicia, na forma que se indica na Cláusula 14.2. Hora límite: 14.00.
Cabe recurso especial:	Non.
Contrato suxeito a regulación harmonizada:	Non.



C. DEFINICIÓN DO OBXECTO DO CONTRATO:				
Obxecto do contrato:	SUBMINISTRO DE MATERIAL PARA O SERVIZO DE MEDIO AMBIENTE (COMPOSTAXE, PANEIS INFORMATIVOS E VÍDEO VIXILANCIA).			
División en lotes do obxecto do contrato:	LOTE 1. UNIDADES MODULARES COMPOSTAXE (UMC), CAIXÓNS ESTRUTURANTES (CCC) E OBRA CIVIL. LOTE 2. PANEIS INFORMATIVOS. LOTE 3.- LOTE 3. SISTEMA VÍDEO VIXILANCIA.			
Códigos identificación das prestacións obxecto do contrato:	39234000-1 Caixas para compost. 45213280-9 Traballos de construción de instalación de compostaxe. 34928472-7 Postes indicadores. 35120000-1 Sistemas e dispositivos de vixilancia e seguridade.			
Procedemento de selección e adjudicación:	A forma de adjudicación do contrato será o procedemento aberto simplificado sumario (Art. 159.6 LCSP) con división en lotes , no que todo empresario interesado poderá presentar unha proposición, quedando excluída toda negociación dos termos do contrato cos licitadores.			
Criterios de selección:	Establecidos na Cláusula 15. Prezo e melloras.			
Garantías:	Non se esixen.			
D. PREZO ESTIMADO DO CONTRATO E ORZAMENTO BASE DE LICITACIÓN:				
	Nº Lote	BASE IMPOÑIBLE	IVE	TOTAL LOTE
	LOTE 1.UNIDADES MODULARES COMPOSTAXE (UMC), CAIXÓNS ESTRUTURANTES (CCC) E OBRA CIVIL	21.843,87	4.587,21	26.431,08
	LOTE 2. PANEIS INFORMATIVOS	5.501,50	1.155,32	6.656,82
	LOTE 3. SISTEMA VIDEOVIXILANCIA	2.758,00	579,18	3.337,18
	<i>Investimento total proxecto.</i>	30.103,37	6.321,71	36.425,08
E. RÉXIME DE FINANCIAMENTO:				
Aplicación orzamentaria:	2021.1720.62301			
Aportación financiamento externos:	As obras atópanse subvencionadas (34.961,38 €) pola Excma. Deputación de Pontevedra, con cargo ao Plan Concellos 2019			
Aportación do Concello:	1.463,70 €			
F. PRAZO DE EXECUCIÓN:	1 MES.			
G. PRÓRROGA:	Non.			
H. GARANTÍA:	Non se esixe.			
I. DATOS DE FACTURACIÓN:	<p>O código DIR do Concello de Cambados é L01360062</p> <p>Os códigos DIR3 de este Concello, de acordo coa súa estrutura organizativa son:</p> <p>Oficina contable: L01360062-OC</p> <p>Órgano xestor: L01360062-OG</p> <p>Unidade tramitadora: L01360062-UT</p>			

1.Obxecto do contrato.



O contrato terá por obxecto a execución do “**SUBMINISTRO DE MATERIAL PARA O SERVIZO DE MEDIO AMBIENTE (COMPOSTAXE, PANEIS INFORMATIVOS E SISTEMA VÍDEO VIXILANCIA)**” dividido nos lotes seguintes:

LOTE 1. UNIDADES MODULARES COMPOSTAXE (UMC), CAIXÓNS ESTRUTURANTES (CCC) E OBRA CIVIL
39234000-1 Caixas para compost.
45213280-9 Traballos de construción de instalación de compostaxe.

LOTE 2. PANEIS INFORMATIVOS
34928472-7 Postes indicadores.

LOTE 3. SISTEMA VÍDEO VIXILANCIA
35120000-1 Sistemas e dispositivos de vixilancia e seguridade.

O conxunto de documentos que compoñen a Memoria-valorada forman parte integrante deste prego, tendo carácter contractual.

Vista a definición que do obxecto do contrato se efectúa nos correspondentes pregos de cláusulas administrativas estaríamos ante a execución dun contrato de subministración.

2.Necesidades administrativas a satisfacer mediante o contrato.

Mediante a execución do contrato ao que se refire este prego de cláusulas administrativas particulares satisfarase a necesidade de subministrar e instalar composteiros, paneis informativos e un sistema de vídeo vixilancia para o punto limpo.

3.Valor estimado e presuposto de licitación.

O valor estimado do presente contrato, de conformidade co disposto no artigo 101 LCSP, ascende á cantidade de **30.103,37 €**, distribuído nos seguintes lotes:

LOTE 1. UNIDADES MODULARES COMPOSTAXE (UMC), CAIXÓNS ESTRUTURANTES (CCC) E OBRA CIVIL	
Total execución material	21.843,87
Prezo estimado do contrato	21.843,87

LOTE 2. PANEIS INFORMATIVOS	
Total execución material	5.501,50
Prezo estimado do contrato	5.501,50

LOTE 3. SISTEMA VÍDEO VIXILANCIA	
Total execución material	2.758,00
Prezo estimado do contrato	2.758,00

O presuposto base de licitación ten un importe de **36.425,08 €**, distribuído nos seguintes lotes:

Nº Lote	BASE IMPOÑIBLE	IVE	TOTAL LOTE
LOTE 1.UNIDADES MODULARES COMPOSTAXE (UMC), CAIXÓNS ESTRUTURANTES (CCC) E OBRA CIVIL	21.843,87	4.587,21	26.431,08
LOTE 2. PANEIS INFORMATIVOS	5.501,50	1.155,32	6.656,82



LOTE 3. SISTEMA VÍDEO VIXILANCIA	2.758,00	579,18	3.337,18
<i>Investimento total proxecto.</i>	30.103,37	6.321,71	36.425,08

4. Aplicación orzamentaria.

Os subministros financiaranse con cargo á aplicación orzamentaria 2021.1720.62301

5. Réxime xurídico do contrato e documentos que teñen carácter contractual

Sen prexuízo do disposto con carácter xeral para os contratos das corporacións locais, o contrato rexeráse pola Lei 9/2017 do 8 de novembro de Contratos do Sector Público pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE do 26 de febreiro de 2014 (en diante LCSP), polo Real Decreto 817/2009, do 8 de maio, polo que se desenvolve parcialmente a Lei 30/2007, do 30 de outubro, de Contratos do Sector Público (RD 817/2009); polo Regulamento Xeral da Lei de Contratos das Administracións Públicas, aprobado mediante Real Decreto 1098/2001, do 12 de outubro (RGLCAP), en todo o que non se opoña á anterior e Prego de Cláusulas Administrativas Xerais para a contratación de obras do Estado, aprobado por Decreto 3854/1970, do 31 de decembro, no non previsto no primeiro.

A aplicación destas normas levará a cabo en relación con todo o que non resultase afectado pola disposición derogatoria da LCSP.

6. Prazo de entrega.

O prazo de subministración e instalación é de **1 mes**.

7. Procedemento de adxudicación.

De conformidade co disposto no artigo 159.6 LCSP, o contrato adxudicarase *por procedemento aberto simplificado sumario* e se levará a cabo atendendo a unha pluralidade de criterios de adxudicación.

8. Aptitude para contratar.

Poderán optar á adxudicación do presente contrato as persoas naturais ou xurídicas, españolas ou estranxeiras, a título individual ou en unión temporal de empresarios, que teñan plena capacidade de obrar, que non estean incursas nalguna prohibición de contratar e que acrediten a súa solvencia económica, financeira e técnica.

Nos casos de fusión de empresas nos que participe a sociedade contratista, continuará o contrato vixente coa entidade absorbente ou coa resultante da fusión, que quedará subrogada en todos os dereitos e obrigacións dimanantes do mesmo. Igualmente, nos supostos de escisión, achega ou transmisión de empresas ou ramas de actividade das mesmas, continuará o contrato coa entidade á que se atribúa o contrato, que quedará subrogada nos dereitos e obrigacións dimanantes do mesmo, sempre que reúna as condicións de capacidade, ausencia de prohibición de contratar, e a solvencia esixida ao acordarse a adxudicación ou que as diversas sociedades beneficiarias das mencionadas operacións e, en caso de subsistir, a sociedade da que proveña o patrimonio, empresas ou ramas segregadas, responsabilícense solidariamente con aquelas da execución do contrato. Se non puidese producirse a subrogación por non reunir a entidade á que se atribúa o



contrato as condicións de solvencia necesarias resolverase o contrato, considerándose para todos os efectos como un suposto de resolución por culpa do adxudicatario.

Para os efectos anteriores a empresa deberá comunicar ao órgano de contratación a circunstancia que se produciu.

As persoas xurídicas só poderán ser adxudicatarias de contratos cuxas prestacións estean comprendidas dentro dos fins, obxecto ou ámbito de actividade que, a tenor dos seus estatutos ou regras fundacionais, lles sexan propios.

Os contratistas deberán contar así mesmo coa habilitación empresarial ou profesional que, no seu caso, sexa esixible para a realización da actividade ou prestación que constitúa o obxecto do contrato referido a cada lote.

En relación coas empresas comunitarias ou de Estados signatarios do Acordo sobre o Espazo Económico Europeo e empresas non comunitarias será de aplicación o disposto nos artigos 67 e 68 LCSP.

De conformidade co artigo 159.4 a) e 6 LCSP, todos os licitadores que se presenten a licitacións realizadas a través do *procedemento simplificado sumario* deberán estar inscritos no Rexistro Oficial de Licitadores e Empresas Clasificadas do Sector Público, na data final de presentación de ofertas sempre que non se vexa limitada a concorrência.

A capacidade de obrar dos licitadores e a non concorrência de prohibicións de contratar acreditarase mediante a súa inscrición no **Rexistro Oficial de Licitadores e Empresas Clasificadas do Sector Público ou no Rexistro Xeral de Contratistas de Galicia**.

A inscrición no **Rexistro Oficial de Licitadores e Empresas Clasificadas do Sector Público e/ou da Comunidade Autónoma de Galicia** acreditará, a tenor do neles reflectido e salvo proba en contrario, as condicións de aptitude do empresario en canto á súa personalidade e capacidade de obrar, representación, habilitación profesional ou empresarial, solvencia económica e financeira, e clasificación, así como a concorrência ou non das prohibicións de contratar que deban constar no mesmo. A proba do contido dos Rexistros Oficiais citados efectuarase mediante certificación do órgano encargado de cada un deles, que poderá expedirse por medios electrónicos, informáticos ou telemáticos.

9. Perfil do contratante.

Co fin de asegurar a transparencia e o acceso público á información relativa á súa actividade contractual, e sen prexuízo da utilización doutros medios de publicidade, este Concello conta co perfil de contratante que se aloxa na Plataforma Autonómica de Contratos de Galicia ao que se terá acceso segundo as especificacións que se regulan na páxina web seguinte: www.contratosdegalicia.gal.

10. Clasificación esixible .

Non é precisa a clasificación do contratista.

11. Garantías esixibles.

Provisional: Non se esixe.



Definitiva: Non se esixe.

12.Responsable do contrato.

Ao responsable do contrato que designe o órgano de contratación correspóndelle, de acordo co disposto no artigo 62.1 LCSP, supervisar a súa execución, adoptar as decisións e ditar as instrucións necesarias co fin de asegurar a correcta realización da prestación pactada, dentro do ámbito de facultades que o órgano de contratación lle atribúa.

A Administración ten a facultade de inspeccionar e de ser informada do proceso de fabricación ou elaboración do produto que teña que ser entregado como consecuencia do contrato, podendo ordenar ou realizar por si mesma análises, ensaios e probas dos materiais que se vaian a empregar, establecer sistemas de control de calidade e ditar cantas disposicións estime oportunas para o estrito cumprimento do convido.

13.Unidade encargada do seguimento e execución do contrato.

De conformidade co artigo 62 LCSP, a unidade encargada do seguimento e execución ordinaria do contrato será a oficina técnica do Concello de Cambados.

14.Presentación de ofertas, lugar, prazo e documentación administrativa.

14.1. Condicións previas.

As proposicións dos interesados deberán axustarse aos pregos e documentación que rexen a licitación e a súa presentación supón a aceptación incondicionada polo empresario do contido da totalidade das súas cláusulas ou condicións, sen excepción ou reserva algunha.

Cada entidade licitadora non poderá presentar máis dunha proposición, nin subscribir ningunha proposta en unión temporal con outros se o fixo individualmente ou figura en máis dunha unión temporal. A infracción destas normas dará lugar á non admisión de tódalas propostas por el subscritas.

Na oferta económica entenderanse incluídos para todos os efectos os demais tributos, taxas e canons de calquera índole que sexan de aplicación, así como todos os gastos que se orixinen para o adxudicatario, como consecuencia do cumprimento das obrigacións contempladas no presente prego.

Só poderá presentar unha oferta económica, non sendo admitidas as proposicións económicas por importe superior ao orzamento previamente aprobado para a contratación.

No caso de discordancia entre a cantidade consignada en cifras e a consignada en letra, prevalecerá esta última.

Non se aceptarán, e por tanto serán excluídas, as proposicións que:

- Teñan contradicións, omisións, erros ou riscadas que impidan coñecer claramente o que a Administración estime fundamental para considerar a oferta.
- Aquelas que carezan de concordancia coa documentación examinada e admitida.



- Excedan do tipo máximo de licitación.
- Comporten erro manifesto no importe da proposición.
- As que varíen o modelo de proposición establecido neste prego.

O licitador comprométese a manter a súa oferta por un prazo mínimo dun mes a contar desde a apertura.

14.2 Lugar e prazo de presentación de ofertas.

As ofertas presentaranse *exclusivamente por medios electrónicos* a traveso do Sistema de Licitación Electrónica (SILEX) da Consellería de Facenda da Xunta de Galicia, accesible dende o enderezo electrónico: https://silex.conselleriadefacenda.es/SLE_Internet/ no prazo de **10 días hábiles contados** a partires do seguinte ao da inserción do anuncio de licitación no perfil do contratante do Concello de Cambados (enlazado coa Plataforma de Contratos Públicos de Galicia). **Hora límite: 14.00.**

No programa **SILEX**, *apartado sobres (arquivo electrónico único) e documentación*, deberán subir os dous **ANEXOS** debidamente cumprimentados (*en galego ou castelán*) que se indican seguidamente:

- 1.**ANEXO I**, declaración responsable asinada electronicamente polo licitador ou persoa que o represente, segundo o modelo incluído no presente prego.
- 2.**ANEXO II**, oferta económica, á que se acompañarán as especificacións técnicas ou características dos materiais a subministrar, asinada electronicamente polo licitador ou persoa que o represente, segundo o modelo incluído no presente prego.

A oferta avaliarase automaticamente mediante dispositivos informáticos en colaboración cunha unidade técnica que auxiliará ao órgano de contratación.

15.Criterios para a adxudicación do contrato.

Para a valoración das proposicións e a determinación da oferta economicamente máis vantaxosa atenderase a varios criterios de adxudicación que se expresan:

- ▶ Prezo (segundo Anexo II).
- ▶ Melloras (segundo Anexo II).

A ponderación realizarase atendendo ás seguintes regras:

LOTE 1. UNIDADES MODULARES COMPOSTAXE (UMC), CAIXÓNS ESTRUTURANTES (CCC) E OBRA CIVIL
--

PREZO: Con respecto á mellor contía da baixa ofertada, aplicarase un valor de 5 puntos á mellor das ofertas presentadas, obténdose as demais por comparación proporcional coa mellor polo procedemento de regra de tres.
--

LOTE 2. PANEIS INFORMATIVOS

PREZO: Con respecto á mellor contía da baixa ofertada, aplicarase un valor de 2 puntos á mellor



das ofertas presentadas, obténdose as demais por comparación proporcional coa mellor polo procedemento de regra de tres.

MELLORA: Polos traballos de instalación dos postes e cartelería en zonas ZEPA e RAMSAR nos lugares onde se indicará pola administración, aplicarase un valor de **3 puntos**.

LOTE 3. SISTEMA VÍDEO VIXILANCIA

PREZO: Con respecto á mellor contía da baixa ofertada, aplicarase un valor de **2 puntos** á mellor das ofertas presentadas, obténdose as demais por comparación proporcional coa mellor polo procedemento de regra de tres.

MELLORA: Polos traballos de instalación do sistema de vídeo vixilancia nas instalacións do Punto Limpo, aplicarase un valor de **3 puntos**.

□ **Acompañando ao Anexo II**, deberán unirse as características técnicas, funcionais e a marca do material a subministrar, que cumprirá coas determinacións establecidas na Memoria-valorada.

A oferta que non cumpra as determinacións mínimas da Memoria-valorada será rexeitada e excluída da licitación mediante resolución motivada, previo informe técnico no que se acredite tal vicisitude.

No caso de empate entre dúas ou mais proposicións emitirase proposta de adxudicación á que oferte unha maior baixa económica e, de continuar, terán preferencia as empresas que teñan na súa plantilla unha porcentaxe de traballadores con discapacidade superior ao que lles imponha a normativa.

16. Acto de apertura.

A apertura e valoración das proposicións presentadas realizarase en acto non público por unha unidade técnica integrada polo técnico municipal e un funcionario municipal.

Se algún dos membros non pode asistir designarase suplente que o substitúa.

Os designados para formar parte nesta unidade técnica están suxeitos ao réxime de abstención e recusación previsto nos artigos 23 e 24 da lei 40/2015 de 1 de outubro, de Réxime Xurídico do Sector Público.

Abertas as ofertas, a súa valoración efectuarase pola unidade técnica de acordo coas fórmulas establecidas na *cláusula décimo quinta* deste prego, xerándose a proposta de adxudicación a favor do licitador que obteña a mellor puntuación. Deste acto estenderase a correspondente dilixencia que será publicada no perfil do contratante.

Realizada a proposta de adxudicación, a unidade técnica procederá, no mesmo acto, a comprobar no Rexistro Oficial de Licitadores e Empresas Clasificadas que a empresa está debidamente constituída, que o asinante da proposición ten poder bastante para formular a oferta, e non está incurso en ningunha prohibición para contratar.



Ademais, no prazo de **cinco días hábiles** o licitador proposto como adxudicatario, deberá presentar calquera outra documentación que non figure inscrita no Rexistro de Licitadores.

De acordo co disposto no artigo 139.1 LCSP, a presentación das proposicións supón a autorización á mesa e ao órgano de contratación para consultar os datos recollidos no Rexistro Oficial de Licitadores e Empresas Clasificadas do Sector Público ou nas listas oficiais de operadores económicos nun Estado membro da Unión Europea.

Posteriormente, a mesa realizará a proposta de adxudicación en favor do candidato con mellor puntuación.

Notificada a adxudicación do contrato e transcorridos os prazos para a interposición de recursos sen que se interpuxeran, a documentación que acompaña ás proposicións quedará a disposición dos interesados. Se estes non retiran a súa documentación nos tres meses seguintes á data en que se lles notifique a adxudicación, a Administración non estará obrigada a seguila custodiando.

17.Criterios para a consideración de que a oferta contén valores anormais ou desproporcionados.

Cando se identifique que unha proposición poida ser considerada desproporcionada o anormal, deberá darse audiencia nun **prazo de tres días hábiles** ao licitador que a presentase para que xustifique a valoración da oferta e precise as condicións da mesma, en particular no que se refire aos seguintes valores:

- a)O aforro que permita o procedemento de fabricación, os servizos prestados ou o método de construción.
- b)As solucións técnicas adoptadas e as condicións excepcionalmente favorables de que dispoña para fornecer os produtos, prestar os servizos ou executar as obras.
- c)A innovación e orixinalidade das solucións propostas, para fornecer os produtos, prestar os servizos ou executar as obras.
- d)O respecto de obrigacións que resulten aplicables en materia ambiental, social ou laboral, e de subcontratación, non sendo xustificables prezos por baixo do mercado ou que incumpran o establecido no artigo 201 da LCSP.
- e)Ou a posible obtención dunha axuda do Estado.

No procedemento deberá solicitarse o asesoramento técnico do servizo correspondente.

Consideraranse, en principio, desproporcionadas ou temerarias as ofertas que se atopen nos seguintes supostos:

Prezo:

- 1.Cando, concorrendo un só licitador, sexa inferior ao orzamento base de licitación en máis de *25 unidades porcentuais*.
- 2.Cando concorran dous licitadores, a que sexa inferior en máis de *20 unidades porcentuais* á outra oferta.



3.Cando concorran tres licitadores, as que sexan inferiores en máis de *10 unidades porcentuais* á media aritmética das ofertas presentadas. Con todo, excluírase para o cómputo de dita media a oferta de contía máis elevada cando sexa superior en máis de *10 unidades porcentuais* a dita media. En calquera caso, considerarase desproporcionada a baixa superior a *25 unidades porcentuais*.

4.Cando concorran catro ou máis licitadores, as que sexan inferiores en máis de *10 unidades porcentuais* á media aritmética das ofertas presentadas. Con todo, se entre elas existen ofertas que sexan superiores a dita media en máis de *10 unidades porcentuais*, procederase ao cálculo dunha nova media só coas ofertas que non se atopen no suposto indicado. En todo caso, se o número das restantes ofertas é inferior a tres, a nova media calcularase sobre as tres ofertas de menor contía.

18.Revisión de prezos.

Non se contempla.

19.Efectos da proposta de adxudicación. Decisión de non adxudicar ou celebrar o contrato e desistencia do procedemento de adxudicación pola Administración.

A proposta de adxudicación do contrato non crea dereito algún en favor do licitador proposto, que non os adquirirá, fronte á Administración, mentres non se formalice o contrato.

De conformidade co disposto no artigo 152 LCSP a decisión de non adxudicar ou celebrar o contrato ou a desistencia do procedemento poderán acordarse polo órgano de contratación antes da formalización.

Só poderá adoptarse a decisión de non adxudicar ou celebrar o contrato por razóns de interese público debidamente xustificadas no expediente. A desistencia do procedemento deberá estar fundado nunha infracción non emendable das normas de preparación do contrato ou das reguladoras do procedemento de adxudicación, debendo xustificarse no expediente a concorrencia da causa.

20.Adxudicación.

A adxudicación do contrato corresponde ao órgano de contratación.

O órgano de contratación adxudicará o contrato ao licitador que presentase a mellor oferta, de conformidade co disposto no artigo 145 LCSP.

A notificación e a publicidade a que se refire o apartado anterior deberán conter a información necesaria que permita aos interesados no procedemento de adxudicación interpoñer recurso suficientemente fundado contra a decisión de adxudicación, e entre ela en todo caso, deberá figurar a seguinte:

- a)En relación cos candidatos descartados, a exposición resumida das razóns polas que se desestimou a súa candidatura.
- b)Con respecto aos licitadores excluídos do procedemento de adxudicación, os motivos polos que non se admitiu a súa oferta, incluídos, os motivos da decisión de non



equivalencia ou da decisión de que as obras, as subministracións ou os servizos non se axustan aos requisitos de rendemento ou ás esixencias funcionais; e unha desagregación das valoracións asignadas aos distintos licitadores, incluíndo ao adxudicatario.

c) En todo caso, o nome do adxudicatario, as características e vantaxes da proposición do adxudicatario determinantes de que fose seleccionada a oferta deste con preferencia respecto das que presentasen os restantes licitadores cuxas ofertas fosen admitidas.

Na notificación indícarase o prazo en que debe procederse á formalización do contrato, que deberá realizarse non máis tarde dos **quince días hábiles** seguintes a aquel en que se realice a notificación da adxudicación aos licitadores e candidatos.

21. Formalización.

O contrato perfeccionarase coa súa formalización.

De conformidade co disposto no artigo 99.7 LCSP cada lote constituirá un contrato, salvo en casos en que se presenten ofertas integradoras, nos que todas as ofertas constituirán un contrato.

Non obstante, a tenor do disposto no artigo 159.6 6), a formalización do contrato efectuarase mediante a sinatura de aceptación polo contratista da resolución de adxudicación.

O contrato deberá formalizarse en documento administrativo que se axustará con exactitude ás condicións da licitación e ademais poderá formalizarse en escritura pública se así o solicita o contratista, correndo ao seu cargo os gastos derivados do seu outorgamento. Neste caso, o contratista deberá entregar á Administración unha copia lexitimada e unha simple do citado documento no prazo máximo dun mes desde a súa formalización.

A formalización do contrato deberá efectuarse non máis tarde dos **quince días hábiles** seguintes a aquel en que se reciba a notificación da adxudicación aos licitadores e candidatos, na forma prevista no artigo 151 LCSP.

De conformidade co establecido no artigo 153.4 LCSP cando por causas imputables ao adxudicatario non se formalice o contrato dentro do prazo indicado esixíraselle o importe do 3% do orzamento base de licitación, IVE excluído, en concepto de penalidade, sen prexuízo do establecido na letra b) do apartado 2 do artigo 71 LCSP.

22. Avaliación de riscos.

En aplicación do establecido pola Lei 31/1995, de 8 de novembro, de Prevención de Riscos Laborais, que transpón a Directiva Marco 89/391/CEE, o adxudicatario deberá presentar a avaliación de riscos, na que establece como obriga do empresario:

- * Planificar a acción preventiva a partir dunha avaliación inicial de riscos.
- * Avaliar os riscos á hora de elixir os equipos de traballo, substancias e preparados químicos e do acondicionamento dos lugares de traballo.

O documento de avaliación de riscos deberá ser aprobado polo órgano de contratación antes do inicio da obra, co previo informe do coordinador en materia de seguridade e saúde designado para a obra, ou no seu caso, a dirección facultativa.

O coordinador de Seguridade e Saúde deberá levar o libro de incidencias ao que se refire o artigo 13 do Real Decreto 1627/1997, do 24 de outubro, polo que se establecen medidas de seguridade e saúde nas obras de construción e remitir copia ao Concello das incidencias que anote nel.

23.Risco e ventura.

A execución do contrato realizarase a risco e ventura do contratista, segundo o disposto no artigo 197 LCSP e sen prexuízo do establecido no artigo 239 LCSP.

24.Condicións especiais de execución.

Os órganos de contratación poderán establecer condicións especiais en relación coa execución do contrato, sempre que estean vinculadas ao seu obxecto, no sentido do artigo 145 LCSP, non sexan directa ou indirectamente discriminatorias e sexan compatibles co dereito comunitario.

As condicións especiais de execución para este contrato son as que a continuación se detallan:

Medidas para previr a sinistralidade laboral: **Medidas axeitadas de sinalización no curso da execución das actuacións, para previr contratempas co tráfico rodado e tránsito de peóns.**

O cumprimento destas condicións especiais de execución configúrase como unha obriga contractual esencial e como causa de resolución do contrato ao abeiro do artigo 211.1 f) da LCSP.

Todas as condicións especiais de execución que formen parte do contrato serán esixidas igualmente a todos os subcontratistas que participen na execución do mesmo.

25.Entrega dos bens.

O contratista estará obrigado a entregar os bens obxecto do subministro, no tempo e lugar fixado no contrato e de conformidade coas prescricións técnicas e cláusulas administrativas que rexen el contrato.

Calquera que sexa o tipo de subministro, o adxudicatario non terá dereito a indemnización por causa de perdas, avarías ou prexuízos ocasionados nos bens antes da súa entrega á Administración, salvo que esta incorrese en mora ao recibilos.

Cando o acto formal da recepción dos bens sexa posterior á súa entrega, a Administración será responsable da custodia dos mesmos durante o tempo que medie entre unha e outra.

26.Execución defectuosa e demora.



O contratista está obrigado a cumprir o contrato dentro do prazo fixado para a realización do mesmo, así como os prazos parciais sinalados para a súa execución sucesiva.

Se os subministros sufrisen un atraso na súa execución, e sempre que o mesmo non fora imputable ao contratista e este ofrece se cumprir os seus compromisos se se lle amplía o prazo inicial de execución, o órgano de contratación concederallo, dándolle un prazo que será, polo menos, igual ao tempo perdido, a non ser que o contratista pedise outro menor, de acordo co establecido no artigo 195.2 da LCSP, regulándose os requisitos e trámites conforme ao artigo 100 do RGLCAP. O responsable do contrato emitirá un informe onde se determine se o atraso foi producido por motivos imputables ao contratista.

De conformidade co disposto no artigo 29.3 LCSP cando se produza demora na execución da prestación por parte do empresario, o órgano de contratación poderá conceder unha ampliación do prazo de execución, sen prexuízo das penalidades que no seu caso procedan, resultando aplicable o previsto no artigo 192 e seguintes da LCSP.

Cando o contratista, por causas imputables ao mesmo, incorrese en demora respecto ao cumprimento do prazo total, a Administración poderá optar, atendidas as circunstancias do caso, pola resolución do contrato ou pola imposición de penalidades diarias na proporción de 0,60 euros por cada 1000 euros do prezo do contrato, IVE excluído.

Cada vez que as penalidades por demora alcancen un múltiplo do 5 por 100 do prezo do contrato, IVE excluído, o órgano de contratación estará facultado para proceder á resolución do mesmo ou acordar a continuidade da súa execución con imposición de novas penalidades. Neste último suposto, o órgano de contratación concederá a ampliación do prazo que estime necesaria para a terminación do contrato.

Así mesmo, a Administración terá as mesmas prerrogativas cando a demora no cumprimento dos prazos parciais faga presumir razoablemente a imposibilidade do cumprimento do prazo total.

A Administración, en caso de incumprimento dos prazos parciais definidos no contrato por parte do contratista, poderá optar pola resolución do contrato ou polas penalidades en proporción de 0,60 euros por cada 1.000 euros do prezo do contrato, IVE excluído.

Nos supostos de incumprimento parcial ou cumprimento defectuoso ou de demora na execución en que non estea prevista penalidade ou en que estándoo a mesma non cubrise os danos causados á Administración, esixirase ao contratista a indemnización por danos e prexuízos.

O contratista comunicará por escrito á dirección da obra a data prevista para a terminación ou execución do contrato, a efectos de que se poida realizar a súa recepción. O procedemento e prazos para a tramitación desta comunicación, a designación de representante para a recepción e a comunicación, á Intervención, regularanse polo establecido no artigo 163 do RGLCAP.



27.Modificación do contrato.

Os contratos administrativos só poderán ser modificados por razóns de interese público, nos casos e na forma previstos na Subsección 4ª da Sección 3ª do Capítulo I do Título I do Libro Segundo da LCSP, e de acordo co procedemento regulado no artigo 191 LCSP, coas particularidades previstas no artigo 207 LCSP.

Os contratos administrativos celebrados polos órganos de contratación só poderán modificarse durante a súa vixencia cando se dea algún dos supostos establecidos no apartado 2 do artigo 203 LCSP.

As modificacións acordadas polo órgano de contratación serán obrigatorias para os contratistas nos termos establecidos no artigo 206 da LCSP, debendo formalizarse conforme ao disposto no artigo 153 da LCSP e publicarse de acordo co establecido nos artigos 207 e 63 da citada lei.

No concerne ao seu réxime se estará ao disposto na Subsección 4ª da Sección 3ª do Capítulo I do Título I do Libro Segundo da LCSP, e os artigos 191 e 203 da LCPS , así como ao disposto regulamentariamente.

28.Suspensión do contrato.

A Administración, por razóns de interese público, poderá acordar a suspensión da execución de contrato. Igualmente, procederá a suspensión do contrato se se dese a circunstancia sinalada no artigo 198.5 LCSP. A efectos da suspensión do contrato se estará ao disposto no artigo 208 LCSP, así como nos preceptos concordantes do RGLCAP.

De conformidade co artigo 208 LCSP, se a Administración acordase a suspensión do contrato ou aquela tivera lugar pola aplicación do disposto no artigo 198.5 LCSP, a Administración aboará ao contratista os danos e prexuízos efectivamente sufridos por este con suxeición ás regras establecidas no apartado 29 do Anexo I ao prego.

29.Resolución do contrato.

Son causas de resolución do contrato as recollidas nos artigos 211, 306 da LCSP e o incumprimento das medidas para prever a sinistralidade laboral.

De conformidade co artigo 211.2 LCSP, nos casos en que concorran diversas causas de resolución do contrato con diferentes efectos en canto ás consecuencias económicas da extinción, deberá atenderse á que aparece con prioridade no tempo.

A resolución do contrato acordarase polo órgano de contratación de conformidade co disposto no artigo 212.1 LCSP mediante procedemento tramitado na forma regulamentariamente establecida.

Cando o contrato se resolva por incumprimento culpable do contratista, deberá indemnizar á Administración os danos e perdas ocasionadas no que excedan do importe da garantía incautada. A determinación dos danos e perdas que deba indemnizar o contratista levarase



ao cabo polo órgano de contratación en decisión motivada, previa audiencia do mesmo, atendendo, entre outros factores, ao atraso que implique para o investimento proxectado e aos maiores gastos que ocasione á Administración.

Para a aplicación das causas de resolución estarase ao disposto no artigo 212 da LCSP e para os seus efectos ao disposto nos artigos 213 e 307 da LCSP, así como no seu caso, ao disposto no desenvolvemento regulamentario.

30.Terminación do contrato.

O contrato entenderase cumprido polo contratista cando, transcorrido o prazo de vixencia total do contrato, aquel se realizase de acordo cos termos do mesmo e a satisfacción da Administración a totalidade do seu obxecto

31.Recepción do obxecto do contrato.

Dentro do mes seguinte á entrega ou realización do obxecto do contrato procederase, mediante acto formal, á recepción dos bens obxecto do subministro.

Dito acto será comunicado á Intervención Xeral, para os efectos da súa asistencia ao mesmo no exercicio das súas funcións de intervención da comprobación material da inversión.

Si os bens se encontran en bo estado e con arranxo ás prescricións técnicas, o funcionario designado pola Administración daraos por recibidos, levantándose a correspondente acta, que deberá ser asinada polos concorrentes á recepción, comezando entón o prazo de garantía que será de dous anos.

Se os bens no se achan en estado de ser recibidos, farase constar así na acta de recepción e se darán as instrucións precisas ao contratista para que se subsanen os defectos observados ou proceda a un novo subministro de conformidade co pactado.

32.Liquidación do contrato

Dentro do prazo de trinta días a contar desde a data da acta de recepción ou conformidade, deberá acordarse no seu caso e cando a natureza do contrato o esixa, e ser notificada ao contratista a liquidación correspondente do contrato, e aboárselle, no seu caso, o saldo resultante. No obstante, se se recibe a factura con posterioridade á data en que teña lugar dita recepción, este prazo de trinta días contarase desde a súa correcta presentación polo contratista no rexistro correspondente nos termos establecidos na normativa vixente en materia de factura electrónica.

Si se producise mora no pago do saldo de liquidación, o contratista terá dereito a percibir os intereses de demora e a indemnización polos custos de cobro nos termos previstos na Lei 3/2004, de 29 de decembro, pola que se establecen medidas de loita contra a morosidade nas operacións comerciais.

33.Prazo de garantía.

O prazo de garantía comezará a contar desde a data da recepción ou conformidade e será de dous anos.



Durante dito prazo a garantía definitiva responderá dos conceptos sinalados no artigo 110 LCSP, que resulten de aplicación.

No suposto de que houbera recepcións parciais, o prazo de garantía dos bens entregados e recibidos de conformidade pola Administración comezará a contarse desde as datas das respectivas recepcións parciais.

34. Vicios ou defectos durante o prazo de garantía.

Se durante o prazo de garantía se acredítase a existencia de vicios ou defectos nos bens subministrados, a Administración terá dereito a reclamar do contratista a reposición dos que resulten inadecuados ou a reparación dos mesmos se fose suficiente. Durante este prazo de garantía terá dereito o contratista a coñecer e ser oído sobre a aplicación dos bens subministrados.

No suposto de que o órgano de contratación estimase, durante o prazo de garantía, que os bens subministrados non son aptos para o fin pretendido, como consecuencia dos vicios ou defectos observados en eles e imputables ao contratista e exista a presunción de que a reposición ou reparación de ditos bens non serán bastantes para lograr aquel fin, poderá, antes de expirar dito prazo, rexeitar os bens deixándoos de conta do contratista e quedando a Administración exenta da obrigaçión do pago ou, tendo dereito, no seu caso, á recuperación do prezo satisfeito.

Terminado o prazo de garantía sen que a administración formalizase algún dos reparos ou a denuncia á que se refiren os apartados 1 e 3 do artigo 305 LCSP, o contratista quedará exento de responsabilidade por razón dos bens subministrados.

35. Prerrogativas e facultades da Administración.

Dentro dos límites e con suxeición aos requisitos e efectos sinalados na LCSP, o órgano de contratación ostenta a prerrogativa de interpretar os contratos administrativos, resolver as dúbidas que ofrezca o seu cumprimento, modificalos por razóns de interese público, declarar a responsabilidade imputable ao contratista a raíz da execución do contrato, suspender a execución do mesmo, acordar a súa resolución e determinar os efectos de esta.

Igualmente, o órgano de contratación ostenta as facultades de inspección das actividades desenvolvidas polos contratistas durante a execución do contrato, nos termos e cos límites establecidos na LCSP para cada tipo de contrato. En ningún caso ditas facultades de inspección poderán implicar un dereito xeral do órgano de contratación a inspeccionar as instalacións, oficinas e demais emplacements nos que o contratista desenvolva as súas actividades, salvo que tales emplacements e as súas condicións técnicas sexan determinantes para o desenvolvemento das prestacións obxecto do contrato, extremos que deberán quedar xustificados de forma expresa e detallada no expediente administrativo.

Os procedementos para a adopción de acordos relativos ás prerrogativas establecidas anteriormente, se instruirán de conformidade co disposto no artigo 191 LCSP.



Os acordos que adopte o órgano de contratación porán fin á vía administrativa e serán inmediatamente executivos.

36.Recursos.

Os actos que se diten por parte da Administración, poderán ser obxecto de recurso de conformidade co disposto na Lei 39/2015, do 1 de outubro, do Procedemento Administrativo Común das Administracións Públicas; así como na Lei 29/1998, do 13 de xullo, Reguladora da Xurisdición Contencioso-Administrativa.

En Cambados. A Alcaldesa. Fátima Abal Roma. (Asinado dixitalmente)

ANEXO I. MODELO DE DECLARACIÓN RESPONSABLE .

D./Dna....., con D.N.I. número.....en nome e representación da Sociedade, entidade que [SI] [NO] cumpre as condicións de PYME, con N.I.F., co obxecto de participar na contratación denominada, convocada polo Concello de Cambados:

DECLARA baixo a súa responsabilidade:

▶ Que o asinante ostenta a representación da sociedade / persoa física que presenta a oferta, que conta coa adecuada solvencia económica, financeira e técnica ou, no seu caso, a clasificación correspondente, que conta coas autorizacións necesarias para exercer a actividade, que non está incurso en prohibicións de contratar e que está inscrito no Rexistro Oficial de Licitadores e Empresas Clasificadas.

▶ Que se integra a solvencia por medios externos:

- Si, existindo o compromiso a que se refire o artigo 75.2 LCSP.
- Non.

▶ Que se trata de empresa estranxeira:

- Si, e sométome a xurisdición dos Xulgados e Tribunais españois de calquera orden, para todas as incidencias que de modo directo ou indirecto puideran xurdir do contrato, con renuncia, no seu caso, ó foro xurisdiccional estranxeiro que puidera corresponderlles.
- Non.

▶ Que se compromete a adscribir á execución do contrato de medios persoais e/ou materiais indicados.

▶ Que o nome e apelidos do persoal responsable de executar a prestación obxecto do contrato son os seguintes:

▶ Que a empresa / persoa física a que representa emprega: (Marque a casilla que corresponda).

- Menos de 50 traballadores.
- 50 o máis traballadores e (Marque a casilla que corresponda).



Cumpre coa obrigación de que entre eles, polo menos, o 2% sexan traballadores con discapacidade, establecida polo Real Decreto Lexislativo 1/2013, de 29 de novembro, polo que se aproba o Texto Refundido da Lei General de dereitos das persoas con discapacidade e de su inclusión social.

Cumpre as medidas alternativas previstas no Real Decreto 364/2005, de 8 de abril, polo que se regula o cumprimento alternativo con carácter excepcional da cuota de reserva a favor de traballadores con discapacidade.

► Que a empresa / persoa física á que representa, cumpre coas disposicións vixentes en materia laboral e social.

► Que a empresa / persoa física á que representa: (Marque a casilla que corresponda).

Emprega a máis de 250 traballadores e cumpre co establecido no apartado 2 do artigo 45 da Lei Orgánica 3/2007, de 22 de marzo, para a igualdade efectiva de mulleres e homes, relativo á elaboración e aplicación dun plan de igualdade.

Emprega a 250 o menos traballadores e en aplicación do convenio colectivo aplicable, cumpre co establecido no apartado 3 do artigo 45 da Lei Orgánica 3/2007, de 22 de marzo, para a igualdade efectiva de mulleres e homes, relativo á elaboración e aplicación dun plan de igualdade.

En aplicación do apartado 5 do artigo 45 da Lei Orgánica 3/2007, de 22 de marzo, para a igualdade efectiva de mulleres e homes, a empresa non está obrigada á elaboración e implantación dun plan de igualdade.

► Que a empresa / persoa física á que representa autoriza á Administración contratante, para que acceda á información que acredita que se atopa ao corrente do cumprimento das obrigacións tributarias impostas polas disposicións vixentes, a través das bases de datos doutras Administracións Públicas coas que establecese convenios.

► Que dispón de dirección de correo electrónico “habilitada” para efectuar as notificacións, de conformidade co disposto na Disposición adicional décimo quinta da LCSP.

► Manifesta a intención de presentarse aos seguintes lotes: (**Marcar cun “X”** indicando o lote ao que se desexe concorrer). Os licitadores poderán presentar ofertas a un, a dous ou aos tres lotes.

LOTE 1. UNIDADES MODULARES COMPOSTAXE (UMC), CAIXÓNS ESTRUCTURANTES (CCC) E OBRA CIVIL 39234000-1 Caixas para compost. 45213280-9 Traballos de construción de instalación de compostaxe.	
---	--

LOTE 2. PANEIS INFORMATIVOS 34928472-7 Postes indicadores.	
--	--

LOTE 3. SISTEMA VÍDEO VIXILANCIA 35120000-1 Sistemas e dispositivos de vixilancia e seguridade.	
---	--

En _____, ____ de ____ de 202_. O licitador. Asinado electronicamente.



ANEXO II. MODELO DE PROPOSICIÓN ECONÓMICA.	
Nome e apelidos:	N.I.F.:
Enderezo:	C.P.:
Teléfono:	Teléfono:
Entidade mercantil á que representa:	Fax:
Correo a efectos de notificación electrónica:	C.I.F.:
Nº inscrición Rexistro Oficial Licitadores e Empresas Clasificadas do Sector Público ou Rexistro Xeral Contratistas de Galicia:	

Que participa no *procedemento simplificado sumario*, para a execución do subministro de “-----”, e se compromete a executar os traballos con estrita suxeición á Memoria-valorada, aos pregos e ás melloras ofertadas de acordo coas seguintes condicións: *(Cubrir unicamente o/os lote/lotes ao/aos que se presenta)*

LOTE Nº 1.- UNIDADES MODULARES COMPOSTAXE (UMC), CAIXÓNS ESTRUTURANTES (CCC) E OBRA CIVIL	
Prezo sen IVE (en letra)	Prezo sen IVE (en número)
IVE (en letra)	IVE (en número)
Importe total (en letra)	Importe total (en número)
Une ao presente Anexo as especificacións técnicas ou características dos materiais a subministrar. Indicar no recadro SI ou NON.	

LOTE Nº 2.- PANEIS INFORMATIVOS	
Prezo sen IVE (en letra)	Prezo sen IVE (en número)
IVE (en letra)	IVE (en número)
Importe total (en letra)	Importe total (en número)
MELLORA OFERTADA:	
Descrición da Mellora: O compromiso que asumo, baixo xuramento, de realizar, como melloras, os traballos de instalación dos postes e cartelería en zonas ZEPA e RAMSAR nos lugares onde se indicará pola administración.	
(Consignar dentro do recadro e de acordo co seguinte modelo un SI ou un NON, en función de si se oferta ou non a mellora detallada anteriormente. De non consignarse expresamente no recadro o SI entenderase que non se oferta a mellora de referencia).	
Une ao presente Anexo as especificacións técnicas ou características dos materiais a subministrar. Indicar no recadro SI ou NON.	



LOTE Nº 3.- SISTEMA VÍDEO VIXILANCIA	
Prezo sen IVE (en letra)	Prezo sen IVE (en número)
IVE (en letra)	IVE (en número)
Importe total (en letra)	Importe total (en número)
MELLORA OFERTADA:	
Descrición da Mellora: O compromiso que asumo, baixo xuramento, de realizar, como melloras, os traballos de instalación do sistema de vídeo vixilancia no recinto do Punto Limpo.	
(Consignar dentro do recadro e de acordo co seguinte modelo un SI ou un NON, en función de si se oferta ou non a mellora detallada anteriormente. De non consignarse expresamente no recadro o SI entenderase que non se oferta a mellora de referencia).	
Une ao presente Anexo as especificacións técnicas ou características dos materiais a subministrar. Indicar no recadro SI ou NON.	

En _____, ____ de ____ de 201_. O licitador. Asinado electronicamente.

